

劉夢得文集

開化圖書館

Kaifu Library

開化圖書館

Kaishwa Library

開化圖書館

Kaishua library

開化圖書館

Kaishua library

劉夢得外集卷第六

律詩

遊道林嶽麓寺

和韓元二君子

張籍遠寄長句

訓湖州崔郎中

喜韓吳興同遷

秋日書懷

歎梅雨

酬嚴給事

荅張祕書謝馬

和中書郎事

見寄藍橋懷舊

和裴侍中留別

省中四松

豐安里舊居

李相公宴餞

惠班竹杖

揚給事製新樓

春晚即事

牛相公述舊

誚鄭州權舍人

和裴令公夜宴

李侍郎惠藥物

宮城早秋

新墅溪竹

追感韋裴六相

和牛相公感傷

和牛相公寓懷

雨後寓懷

林亭雨後偶成

所寄太湖石

和王尚書

牛相公寓言

南溪醉歌

牛相公同遊

誚大尹裴侍郎

誚太原狄尚書

謝崔大夫

暮秋久雨喜晴

唐侍御寄遊道林嶽麓二寺詩并沈中丞  
姚負外所和見徵繼作

湘西古剎雙躡躡羣峯朝拱如駿奔青松步障  
深五里龍官黯黯神爲闔高殿呀然壓蒼巘俯  
瞰長江疑欲吞橘洲泛浮金實動水郭繚繞朱  
樓騫語餘百響入天籟衆竒引步輕翻翻泉清  
石布博碁子蘿密鳥韻如簧言回廊架險高且  
曲新徑穿林明復昏淺流忽濁山獸過古木半  
空天火痕星使雙飛出禁垣元侯餞之遊石門

紫髯翼從紅袖舞竹風松雪香溫馨遠持青瑣  
照巫峽一戛驚斷三聲猿靈山會中身不與吟  
想峭絕愁精魂恨無黃金千萬餅布地買取為  
丘園

遙和韓睦州元相公二君子

玉人紫綬相輝映却要霜髯一兩莖其奈無成  
空老去每臨明鏡若為情

張郎中籍遠寄長句開緘之日已及新秋  
因舉目前仰酬高韻

南宮詞客寄新篇清似湘靈促柱絃京邑舊遊



勞夢想歷陽秋色正澄鮮  
雲銜日脚成山雨風  
駕潮頭入渚田對此獨吟還獨酌  
知音不見思  
蒼然

酬湖州崔郎中見寄

風箏吟秋空不有指爪聲  
高人靈府間律呂侔  
咸英昔年與兄遊  
文似馬長卿今來寄新詩  
乃類陶淵明磨礮老益智  
吟詠間彌精豈非山水  
鄉蕩漾神機清渚煙蕙蘭動  
溪雨虹蜺生馮君  
虛上舍待余乘興行

酬揚八庶子喜韓吳興與余同遷見贈

依本韻  
次用

早遇聖明朝鴈行登九霄

吳興與余中外兄弟

文輕傅武仲

酒逼盞寬饒捨矢同瞻鵠當筵共賽鳥

吳興與余同年判入

第等琢磨三益重唱和五音調臺栢煙常起池荷

香暗飄

吳興與余同為銜史臺外有蓮池也

星文辭北極旗影度東遼

吳興自度支郎中出為行軍司馬所從即范僕射首范朋友為度遼將軍

直道由來黜浮名豈

敢要三湘與百越雨散又雲搖遠守慙侯籍微

還荷詔條頷容唯舌在別恨幾塊銷滿眼悲陳

事逢人少舊僚煙霞為老伴蒲柳任先凋虎綬

懸新印龍舸理去撓斷腸天北郡攜手洛陽橋

幢蓋今雖貴弓旌會見招其如草玄客空宇久

寥寥

秋日書懷寄河南王尹

公府想無事西池秋水清  
去年爲狎客永日奉  
高情況有臺上月如聞雲外笙  
不知桑落酒今  
歲與誰傾

浙東元相公歎梅雨鬱蒸之候因寄七言

稽山自與岐山別何事連年獄鳥飛  
百辟商量舊相入九天  
祗候謫仙歸平湖晚泛窺清鏡  
高閣晨開掃翠微  
今日看書最惆悵  
爲聞梅雨損朝衣

嚴給事賀加五品兼簡同制水部李郎中  
九天雨露傳青詔八舍郎官換綠衣初佩銀魚  
隨仗入宜乘白馬退朝歸雕盤賀喜開瑤席彩  
筆題詩出鎖闥聞道水曹偏得意霞朝霧夕有  
光輝

裴相公大學士見示荅張祕書謝馬詩并  
羣公屬和因命追作

草玄門戶少塵埃丞相并州寄馬來初自塞垣  
銜苜蓿忽行幽逕破莓苔尋花緩轡威遲去帶  
酒垂鞭躩蹠迴不與王侯與詞客知輕富貴重

清才

和司空裴相公中書即事通簡舊僚之作  
談笑在巖廊人人盡所長儀形見山立文字動  
星光日運丹青筆時看赤白囊佇聞戎馬息入  
賀領駕行

微之鎮武昌中路見寄藍橋懷舊之作悽  
然繼和兼寄安平

今日油幢引他年黃紙追同爲三楚客獨有九  
霄期宿草恨長在傷禽飛尚遲武昌應已到新  
柳映紅旗

奉和裴侍中將赴漢南留別坐上諸公

金貂曉出鳳池頭  
玉節前臨南雍州  
暫輟洪鑪觀劍戟  
還將大筆注春秋  
管絃席上留高韻  
山水途中入勝遊  
峴首風煙看未足  
便應重拜富人侯

和兵部鄭侍郎省中四松詩十韻

松是中書相公任侍

郎時栽

右相歷中臺移松武庫  
栽紫茸抽組綬青實長  
玫瑰便有干霄勢  
看成構厦材數分天柱  
半影逐日輪迴舊賞  
台階去新知谷口來  
息陰常仰

望翫境幾徘徊翠粒晴懸露蒼鱗雨起苔凝音  
助瑤瑟飄縈泛金壘月桂花遙燭星榆半對開  
終須似雞樹榮茂近昭回

和蘇郎中尋豐安里舊居寄主客張郎中  
漳濱卧起恣間遊宣室徵還未白頭舊隱來尋  
通德里新篇寫出畔牢愁池看科斗成文字鳥  
聽提壺憶獻酬同學同年又同舍許君雲路竝  
華輶

將赴蘇州途出洛陽留守李相公申宴餞  
寵行話舊形於篇章謹杼下情以申仰謝

歲杪風物動雪餘宮苑晴兔園賓客至金谷管  
絃聲洛水故人別吳宮新燕迎越郎憂不淺懷  
袖有瓊英

吳興敬郎中見惠班竹杖兼示一絕聊以  
謝之

一莖炯炯琅玕色數節重重瑤瑁文柱到高山  
未登處青雲路上願逢君

和浙西王尚書聞常州楊給事製新樓因  
寄之作

文昌星象盡東來油幕朱門次第開且上新樓



看風月會乘雲雨一時回

尚書在南宮為左丞給事與禹錫皆是郎吏

訓浙東李侍郎越州春晚即事長句

越中藹藹繁華地秦望峯前禹穴西湖草初生  
邊鴈去山花半謝杜鵑啼青油畫卷臨高閣紅

旆晴翻繞古堤明日漢庭徵舊德老人爭出若

邪溪

後漢劉寵為會稽大治及徵還山陰縣有五六老叟自若邪山谷間出人賚百錢以送寵勞之答曰自明府下車民

不見吏年老遇值聖明故奉送寵為人選一大錢受之也

訓淮南牛相公述舊見貽

少年曾忝漢庭臣晚歲空餘老病身初見相如  
成賦日尋為丞相掃門人追思往事咨嗟久喜

奉清光笑語頻猶有登朝舊冠冕待公三入拂埃塵

訓鄭州權舍人見寄十二韻

朱戶凌晨啓碧梧含早涼人從榮澤至書到漆沮傍  
拚會因佳句情深取斷章愜心同笑語入

耳勝笙篁憶昔三條路居鄰數仞墻

舍人舊宅光福時忝東鄰

學堂青玉案彩服紫羅囊麟角看成就龍駒見

柳楊殼中飛一箭雲際落雙鷁

舍人一舉登科又判入等第

旬邑

叨前列天臺媿後行

鄙人離渭南主簿十年舍人方尉此邑及羅謫謫重入南宮爲禮部

郎中舍人方鯉庭傳事業雜樹遂翱翔書殿連鳴

在考功負外

鵲神池接鳳凰追遊蒙尚齒惠好結中腸鄙人在集賢與

西掖接近日夕追遊鍛翮方槥舉危根易損傷一麾憐弃置

五字借恩光鄙人出收姑蘇舍人草制汝海崆峒秀漆流芍藥

芳風能行偃草境靜不爭桑鄙人轉臨汝舍人收滎陽轉旆趨關

右頌條匝渭陽病吟猶有思老醉已無狂塵滿

鴻溝道沙驚白狄鄉竚聞黃紙詔促召紫微郎

奉和裴令公夜宴

天下蒼生望不休東山雖有但時遊從來海上

仙桃樹肯逐人間風露秋

病卧李侍郎見惠藥物謔以文星之句

隱几支頤對落暉故人書信到柴扉周南留滯  
商山老星象如今屬少微

訓留守牛相公宮城早秋寓言見寄

曉月映宮樹秋光起天津涼風稍動葉宿露未  
生塵景氣尚芳麗曠望感心神揮毫成逸韻開  
閣遲來賓擺去將相印漸爲逍遙身如招後房  
宴却要白頭人

牛相公留守見示城外新墅有溪竹秋月  
親情多往宿遊恨不得去因成四韻兼簡  
洛中親故之什兼命同作

別墅洛城外月明村墅通光輝滿地上絲管發  
舟中堤豔菊花露島涼松葉風高情限清禁寒  
漏滴深宮

和僕射牛相公追感韋裴元相登庸皆四  
十餘未五十薨歿豈早榮早枯之義今年  
將六十猶粗強健因親故勸酒率然成篇  
并見寄之作

坐鎮清朝獨毅然間徵故事數前賢用才同踐  
鈞衡地稟氣終分大小年威鳳本池思泛泳仙  
查舊路望回旋猶憐綺季深山裏唯有松風與

石田

和僕射牛相公以離闕庭七年班行親故  
亡歿十無一人再覩龍顏喜慶雖極感歎  
風燭能不愴然因成四韻并示集賢中書  
二相公所和

久辭龍闕擁紅旗喜見天顏拜赤墀三省英寮  
非舊侶萬年芳樹長新枝交朋接武居仙院幕  
客追風入鳳池雲母屏風即施設可憐榮耀冠  
當時

和僕射牛相公見示長句

靜得天和興自濃不緣官達性靈慵  
大鵬六月有間意仙鶴千年無躁容  
流輩盡來多歎息官班高後少  
過從唯應加築露臺上  
曠見終南雲外峯

和牛相公夏末雨後寓懷見示

金火交爭正抑揚  
蕭蕭飛雨助清商  
曉看紈扇恩情薄  
夜覺紗燈刻數長  
樹上早蟬纔發響  
庭中百草已無光  
當年富貴亦惆悵  
何況悲翁髮似霜

牛相公林亭雨後偶成

飛雨過池閣浮光生草樹新竹開粉奩初蓮蕤  
香炷野花無時節水鳥自來去若問知境人人  
間第一處

牛相公題姑蘇所寄太湖石兼寄李蘇州  
震澤生竒石沈潛得地靈初辭水府出猶帶龍  
宮腥發自江湖國來榮卿相庭從風夏雲勢上  
漢古查形拂拭魚鱗見鏗鏘玉韻聆煙波含宿  
潤苔蘚助新青嵌穴胡鷁貌織鏗蟲篆銘孱顏  
傲林薄飛動向雷霆煩熱近還散餘醒見便醒  
凡禽不敢息浮壻莫能停靜稱垂松蓋鮮宜映



鶴翎忘憂常目繫素尚與心冥眇小欺湘鷺團  
圓笑落星徒然想融結安可測年齡採取詢鄉  
耆搜求按舊經垂鈎入空隙隔浪動晶熒有獲  
人爭賀歡謠衆共聽一州驚閱寶千里遠揚舲  
覩物洛陽陌懷人吳御亭寄言垂天翼早晚起  
滄溟

和陳許王尚書酬白少傅侍郎長句因通  
簡汝洛舊遊之什

寥廓高翔不可追風雲失路暫相隨方同洛下  
書生詠又建軍前大將旗雪裏命賓開玉帳飲

中請號駐金危竹林一自王戎去嵇阮雖貧興  
未衰

和僕射牛相公寓言 二首

兩度竿頭立定誇回眸舉袖拂青霞盡拋今日  
貴人樣復振前朝名相家御史近來休直宿尚  
書依舊趁參衙具瞻尊重誠無敵猶憶洛陽千  
樹花

心如止水鑒常明見盡人間萬物情鷗鷺騰空  
猶逞俊驂騮齒足自無驚時來未覺權為祟貴  
了方知退是榮只恐重重世緣在事須三度副

蒼生

和牛相公南溪醉歌見寄

脫屣將相守冲謙惟於山水獨不廉枕伊背洛  
得勝地鳴臯少室來軒簷相聲去形面勢然指畫  
言下變化隨顧瞻清池曲榭人所致野趣幽芳  
天與添有時轉入潭島間珍木如幄藤爲簾忽  
然便有江湖思沙礫平淺草纖纖怪石釣出太  
湖底珠樹移自天台尖崇蘭迎風綠泛豔坼蓮  
含露紅褰檐脩廊架空遠岫入弱柳覆檻流波  
霑渚蒲抽英劔脊動岸荻迸筍錐頭銛攜觴命

一  
蘇夢符外志  
十一  
王寄  
侶極永日此會雖數心無馱人皆置莊身不到  
富貴難與逍遙兼唯公出處得自在波就放曠  
辭炎炎坐賓盡歡恣談謔媿我掉頭還奮鬣能  
令商於多病客亦覺自適非沈潛

訓僕射牛相公晉國池上別後至甘棠館  
忽夢同游因成口号見寄

已嗟池上別魂驚忽報夢中攜手行此夜獨歸  
還乞夢老人無睡到天明

裴侍郎大尹雪中遺酒一壺兼示喜眼疾  
初平一絕有間行把酒之句斐然仰訓

卷盡輕雲月更明  
金篦不用且間行  
若傾家釀  
招來客何必池塘  
春草生

訓太原狄尚書見寄

家聲烜赫冠前賢  
時望穹崇鎮北邊  
身上官銜  
如坐主幕中談笑  
取同年  
幽并俠少趨鞭弭  
燕趙佳人奉管絃  
仍把天兵書號筆  
遠題長句寄

山川

訓宣州崔大夫見寄

白衣曾拜漢尚書  
今日恩光到弊廬  
再入龍樓  
稱綺季應緣狗監  
說相如  
中郎南鎮權方重  
內

史高齋興有餘遙想敬亭春欲暮百花飛盡柳  
花初

訓皇甫十少尹暮秋夕雨喜晴有懷見示  
雨餘獨坐卷簾帷便得詩人喜霽齊詩搖落從來  
長年感慘舒偏是病身知掃開雲霧呈光景流  
盡潢汙見路歧何況菊香新酒熟神州司馬好  
狂時

劉夢得外集卷第六

劉夢得外集卷第七

律詩

霜夜對月

述夢

喜徑松成陰

伊川卜居

憶江南楔事

秋日見寄

吐綬鳥詞

和遊房太尉西湖

和重題

聞琴絕句

和李尚書示詩

傷韋令孔雀

訓喜歸鄉國

喜見初月

和望山居即事

和平泉新墅

柳柳州贈家雞

荅前篇

荅後篇

誄柳柳州贈別

重別

三贈

題淳于髡墓

懷妓

登清輝樓

省試風光草際浮

喜再遇毛仙翁

和浙西李大夫霜夜對月聽小童吹觱篥

歌依本韻

海門雙青暮煙歇萬頃金波踴明月侯家小兒  
能感篳篥對此清光天性發長江凝練樹無風瀏



慄一聲霄漢中涵胡畫角怨邊草蕭瑟清蟬吟  
野叢冲鞦頓挫心使指雄吼如風轉如水思婦  
多情珠淚垂仙禽欲舞雙翅起郡人寂聽衣滿  
霜江城月斜樓影長纔驚指下繁韻息已見樹  
杪明星光謝公高齋吟激楚戀闕心同在羈旅  
一奏荆人白雪歌如聞雒客扶風鴈吳門水驛  
接山陰文字慇懃寄意深欲識陽陶能絕處少  
年榮貴道傷心

浙西李大夫述夢四十韻并浙東元相公  
訓和斐然繼聲

位是才能取時因際會遭羽儀呈獄為鷹銜刃試

豪曹洛下推年少山東許地高門承金鉉鼎家

有玉璜韜

呂仍嗣侯

海浪扶鵬翅天風引驥髦便知

蓬閣閱不識魯衣褒興發春塘草魂交益部刀

形開猶抱膝燭盡遽揮毫昔仕當初筮逢時詠

載橐懷鈿辨蟲蠹涑素學搗毛車騎方休汝歸

來欲效陶

大夫罷太原從事歸京師

南臺資寒諤內署選風騷

羽化如乘鯉樓居舊冠螭美香焚濕麝名菓賜

乾荀議赦蠅棲筆邀歌蟻泛醪代言無所戲謝

表自稱叨蘭焰凝芳澤芝泥瑩玉膏對頻聲價

出直以夢魂勞草詔令歸馬封章合獻葵幽冀

西戎乞盟事 銀花懸院榜翠羽映廉條諷諫欣然歸關

正具注前 納竒觚率爾操禁中時諤諤天下免切切左顧

龜成印雙飛鵠織袍謝賓緣地密潔已足心豪

五日思歸沐三春羨眾邀茶爐依綠筍棊局就

紅桃溟海桑潛變陰陽炭暗熬仙成脫屣去臣

戀捧弓號建節辭烏栢宣風看鷺濤土山京口

峻鐵瓮郡城牢舊說潤州城如鐵瓮 曲島花千樹官

池水一篙鸞來和絲管鴈起拂麾旄宛轉傾羅

扇回旋墮玉搔罰籌長豎壽縣觥盞樣如舸山是

千里障江為四面濠卧龍曾得雨浙東孤鶴尚鳴

臯浙西劔用雄開匣公二弓間蟄受弣謂鳳姿嘗在

竹公二鸚羽不離蒿謂自吳越分雙鎮東西接萬艘

今朝比潘陸江海更滔滔

和浙西李大夫晚下北固山喜徑松成陰

悵然懷古偶題臨江亭并浙東元相公所

和依本韻

一辭温室樹幾見武昌柳荀謝年何少韋平望

已夕種松夾石道紆組臨沙阜日覽帝王州心

存股肱守葉動驚綵翰波澄見頽首晉宋齊梁

都千山萬江口煙散隋宮出濤來海門吼風俗  
太伯餘衣冠永嘉後江長天作限山固壤無朽  
自古稱佳麗非賢誰奄有八元邦族盛萬石門  
風厚天桂揭東溟文星照北斗高亭一騁望舉  
酒共為壽因賦詠懷詩遠寄同心友禁中晨夜  
直江左東西偶筆手握兵符儒腰盤貴綬頌條  
風有自立事言無苟農野聞讓耕軍人不使酒  
用材當精厦知道寧窺牖誰為青雲高鵬飛終  
背負

和浙西李大夫伊川卜居

早入八元數嘗承三接恩飛鳴天上路鎮壓海

西門清望寰中許高情物外存時來誠不讓歸

去每形言洛下思招隱江干厭作藩按經脩道

具依樣買山村馬高堂為御史大夫將置宅命畫工圖其狀戒所使曰依此樣求之開鑿

隨人化幽陰為律暄遠移難得樹立變舊荒園

絕塞通潛逕平泉占上源煙霞遙在想簿領益

為繁丹禁虛東閣蒼生望北轅徒令雙白鶴五

里白翩翩

和滑州李尚書上巳憶江南禊事

白馬津頭春日遲沙州歸鴈拂旌旗柳營唯有

軍中戲不似江南三月時

訓滑州李尚書秋日見寄

一入石渠署三閨宮樹蟬丹霄未得路白髮又  
添年雙節外臺貴洞簫中禁傳徵黃在旦夕早  
晚發南燕

吐綬鳥詞并序

滑州牧尚書李公以吐綬鳥詞見示兼命繼聲  
蓋尚書前爲御史時所作有翰林二學士同賦  
之今所謂追和也鳥之所異具于首篇

越山有鳥翔寥廓嗟中天綬光若若越人偶見

而竒之因名吐綬江南知四明天姥神仙地朱  
鳥星精鍾異氣赤玉雕成彪炳毛紅綃剪出玲  
瓏翅湖煙始開山日高迎風吐綬盤花條臨波  
似滌瑯瑯草映葉疑開阿母桃花紅草綠人間  
事未若靈禽自然貴鶴吐明珠暫日報恩鵲銜金  
印空爲瑞春和秋霽野花開翫景尋芳處處來  
翠幕雕籠非所慕珠丸柘彈莫相猜棲月啼煙  
凌縹緲高林先見金霞曉三山仙路寄遙情刷  
羽揚翹欲上征不學碧雞依井絡願隨青鳥向  
層城太液池中有黃鵠伶君長在瑤枝

一作長  
向瑤枝



宿如何一借羊角風來聽簫韶九成曲

和西川李尚書漢州微月遊房太尉西湖  
木落漢川夜西湖懸玉鈎旌旗環水次舟楫泛  
中流目極想前事神交如共遊瑤琴久已絕松  
韻自悲秋

和重題

林端落照盡湖上遠風清水謝芝蘭室仙舟魚  
鳥情人琴久寂寞煙月若平生一泛釣璜處再  
吟鏘玉聲

和遊房公舊竹亭聞琴絕句

尚有竹間路永無綦下塵一聞流水曲重憶食霞人

西川李尚書知愚與元武昌有舊遠示二

篇吟之泣然因以繼和

二首來詩云元公令陳從事求蜀琴將以為寄

而武昌之計聞因陳生會葬

如何贈琴日已是絕絃時無復雙金報空餘掛

劍悲

寶匣從此間朱絃誰復調祇應隨玉樹同向土

中銷

和西川李尚書傷韋令孔雀及薛濤之什

玉兒已逐金環葬翠羽先隨秋草萎唯見芙蓉

含曉露數行紅泪滴清池

後魏元樹南陽王禧之子南奔到建業數年後比歸愛姬

朱玉兒脫金指環為贈樹至魏却以指環寄玉兒示有還意

訓李相公歸鄉國自鞏縣夜泛洛水見寄

鞏樹煙月上清光含碧流且無三已色猶泛五湖舟鵬息風還起鳳歸林正秋雖攀小山桂此地不淹留

和李相公平泉潭上喜見初月

家山見初月林壑悄無塵幽境此何夕清光如為人潭空破鏡入風動翠娥頻會向瑣牕望追

思伊洛濱

和李相公初歸平泉過龍門南嶺遙望山  
居即事

暫別明庭去初隨優詔還曾爲鵬鳥賦喜過鑿  
龍山新墅煙火起野程泉石間巖廊人望在只  
得片時間

和李相公以平泉新墅獲方外之名因爲  
詩以報洛中士君子兼見寄之什

業繼韋平後家依崑閩間恩華辭比第蕭灑愛  
東山滿室圖書在入門松菊間垂天雖暫息一

舉出人寰

訓柳柳州家雞之贈

日日臨池弄小雛  
還思寫論付官奴  
柳家新樣元和脚  
且盡薑牙斂手徒

荅前篇

小兒弄筆不能嗔  
浣壁書牕且賞勤  
聞彼夢熊猶未兆  
女中誰是衛夫人

荅後篇

昔日慵工記姓名  
遠勞辛苦寫西京  
近來漸有臨池興  
爲報元常欲抗行

再授連州至衡陽訓柳州贈別

去國十年同赴召渡湘千里又分歧重臨事異  
黃丞相三黜名慙柳士師歸目併隨回鴈盡愁  
腸正遇斷猿時桂江東過連山下相望長吟有  
所思

重別

二十年來萬事同今朝歧路忽西東皇恩若許  
歸田去歲晚當爲鄰舍翁

三贈

信書誠自誤經事漸知非今日臨湘別何年得

汝歸

題淳于髡墓

生爲齊教員  
壻死作楚先  
賢應以客鄉  
葬故臨官  
道邊寓言本  
多興放意能  
合權我有一  
石酒置  
君墳樹前

懷妓四首

玉釵重合兩  
無緣魚在深  
潭鶴在天得  
意紫鸞  
休舞鏡能言  
青鳥罷銜牋  
金盆已覆難  
收水玉  
軫長拋不續  
絃若向藤蘿  
蕪山下過遙  
將紅泪洒  
窮泉

鸞鳥飛遠樹栖何處鳳得新巢已去心紅壁尚留  
香漠漠碧雲初斷信沈沈情知點污投泥玉猶  
自經營買笑金從此山頭似人石丈夫形狀淚  
痕深

人曾行處遍尋看雖是生離死一般買笑樹邊  
花已老畫眉隄下月猶殘雲藏巫峽音容斷路  
隔星橋過往難莫怪詩成無淚滴盡傾東海也  
須乾

三山不見海沈沈豈有仙蹤更可尋青鳥去時  
雲路斷姮娥歸處月宮深紗牕遙想春相憶書



幌誰憐夜獨吟料得夜來天上鏡只應偏照兩  
人心

登清輝樓

逸前四句  
在江州

潯陽江色潮添滿彭蠡秋聲鴈送來南望廬山  
千萬仞共誇新出棟梁材

省試風光草際浮

熙熙春景霽草綠春光麗的皜亂相鮮歲稔互  
虧蔽乍疑芊綿裏稍動芊茸際影碎翻崇蘭浮  
香轉叢蕙含煙絢碧綵帶露如珠綴幸因採掇  
日況此臨芳歲

赴和州於武昌縣再遇毛仙翁十八兄因  
成一絕

武昌山下蜀江東重向仙舟見葛洪又得案前  
親禮拜大羅天談玉函封

劉夢得外集卷第七

劉夢得外集卷第八

律詩

寄楊給事

巫山神女廟

柳絮

陪崔大尚書

曹剛

登望梅樓

別蘇州

送處州奚使君

題報恩寺

渡楊子津

館娃宮

姑蘇臺

贈陳長史

寄韓中丞

有感

楊柳枝

海陽十詠

送周魯儒赴舉

送曹璩歸越中

尋汪道士不遇

桃源翫月

遊建康

田順郎歌

米嘉榮

自江陵泐流

別夔州官吏

夜聞舡中箏

聞道士彈思歸引

喜康將軍見訪

贈劉景擢第

次德宗山陵

嘗茶

梁國祠

九日登高

謝柳子厚硯

元日感懷

謝崔相公賜馬

南中書來

題招隱寺

寄山中友人

望洞庭

魚復江中

歷陽書事

寄毗陵揚給事

三首

揮毫起制來東省  
踈足修名謁外臺  
好著橐鞬莫惆悵  
出文入武是全才

曾主魚書輕刺史  
今朝自請左魚來  
青雲直上無多地  
却要斜飛取勢迴

東城南陌昔同遊  
坐上無人第二流  
屈指如今

已零落且須歡喜作鄰州

巫山神女廟

巫山十二鬱蒼蒼  
片石亭亭号女郎  
曉霧乍開疑卷慢  
山花欲謝似殘妝  
星河好夜聞清佩  
雲雨歸時帶異香  
何事神仙九天上  
人間來就楚襄王

柳絮

飄颺南陌起東鄰  
漠漠濛濛暗度春  
花巷暖隨輕舞蝶  
玉樓晴拂豔妝人  
縈回謝女題詩筆  
點綴陶公漉酒巾  
何處好風偏似雪  
隋河堤上古

江津

陪崔太尚書及諸閣老宴杏園

更將何面上春臺  
百事無成老又催  
惟有落花無俗態  
不嫌憔悴滿頭來

曹剛

大絃嘈噴小絃清  
噴雪含風意思生  
一聽曹剛彈薄媚  
人生不合出京城

發蘇州後登武丘寺望梅樓

獨宿望梅樓  
夜深珍木冷僧房  
已閉戶山月方  
出嶺碧池涵劍彩  
寶刹搖星影  
却憶郡齋中虛

眠此時景

別蘇州二首

三載爲吳郡臨岐祖帳開雖非謝桀黠且爲一  
徘徊

流水閶門外秋風吹柳條從來送客處今日自  
魂銷

松江送處州奚使君

吳越古今路滄波朝夕流從來別離地能使管  
絃愁江草帶煙暮海雲含雨秋知君五陵客不  
樂石門遊



題報恩寺

雲外支硎寺名聲敵虎丘石文留馬跡峯勢聳  
牛頭泉眼潛通海松門預帶秋遲回好風景王  
謝昔曾游

罷郡姑蘇北歸渡揚子津

幾歲悲南國今朝賦北征歸心渡江勇病體得  
秋輕海闊石門小城高粉堞明金山舊遊寺過  
岸聽鍾聲

館娃宮在郡西南硯石山上前瞰姑蘇臺  
傍有採香徑梁天監中置佛寺曰靈巖即

故宮也信為絕境因賦二章

館娃宮

宮館貯嬌娃當時意大誇豔傾吳國盡笑入楚  
王家月殿移椒壁天花代薜華唯餘採香徑一  
帶繞山斜

姑蘇臺

故國荒臺在前臨震澤波綺羅隨世盡麋鹿古  
時多築用金鎚力摧因石鼠窠昔年雕輦路唯  
有採樵歌

贈同年陳長史負外

明州長史外臺郎憶昔同年翰墨場一自分襟  
多歲月相逢滿眼是淒涼推賢有愧韓安國論  
舊唯存盛孝章所歎謬遊東閣下看君無計出  
恹惶

寄湖州韓中丞

老郎日日憂蒼鬢遠守年年獸白蘋終日相思  
不相見長頭相見是何人

有感

死且不自覺其餘安可論昨宵鳳池客今日雀  
羅門騎吏塵未息銘旌風已翻平生紅粉愛惟

解哭黃昏

楊柳枝

楊子江頭煙景迷  
隋家官樹拂金堤  
差峩猶有當時色  
半蘸波中水鳥棲

海陽十詠

并引

元次山始作海陽湖後之人或立亭榭率無指  
名及余而大備每䟽鑿措置必揣稱以標之人  
咸曰有旨異日遷客裴侍御爲十詠以示余頗  
明麗而不虛美因摺拾裴詩所未道者從而和

之

一云余爲吏隱亭述言海陽之  
所從來詳矣異日下與此同

吏隱亭

結構得奇勢朱門交碧潯外來始一望寫盡平生心日軒漾波影月砌鏤松陰幾度欲歸去回眸情更深

切雲亭

迥破林煙出俯窺石潭空波搖杏梁日松韻碧  
窗風隔水生別島帶橋如斷虹九疑南面事盡  
入寸眸中

雲英潭

芳幄覆雲屏石奩開碧鏡支流日飛洒深處自

疑瑩潛去不見迹清音常滿聽有時病朝醒來  
此心神醒

玄覽亭

蕭洒青林際冥綠碧潭隈淙流冒石下輕波觸  
砌回香風逼人度幽花覆水開故令無四壁晴  
夜月光來

裴溪

時御史已  
遇新恩

楚客憶關中疏溪想汾水縈紆非一曲意態如  
千里倒影羅文動微波笑顏起君今賜環歸何  
人承玉趾

飛練瀑

晶晶擲巖端  
潔光如可把  
瓊枝曲不折  
雪片晴猶下  
石堅激清響  
葉動承餘洒  
前時明月中  
見是銀河瀉

蒙池

澹澹幽壁下  
深淨如無力  
風起不成文  
月來同一色  
地靈草木瘦  
人遠煙霞逼  
往往疑列仙  
圍碁在巖側

焚絲瀑

飛流透嵌隙  
噴洒如絲焚  
含暈迎初旭  
翻光破

夕曛餘波遶石去碎響隔溪聞却望瓊沙際  
迤迤見脉分

雙溪

流水遶雙島碧溪相竝深浮花擁曲處遠影落  
中心間鷺久獨立曝龜驚復沈蘋風有時起滿  
谷簫韶音

月窟

濺濺漱幽石注入團圓處有如常滿杯承彼清  
夜露巖曲月斜照林寒春晚煦遊人不敢觸恐  
有蛟龍護



送周魯儒赴舉

并引

晝居外次晨門曰有九疑生持一刺來謁立西  
階以須生危冠方袂淺拱舒拜且前致辭稱贅  
其文頗涉獵前言居五六日復袖來益引古事  
以相劇切與之言能言其得姓因家之所自暨  
縣道鄉亭之風俗望山名水之槩狀羅舍所未  
記朱贛之未條咸得之於生由是始列於賓籍  
臨觴而司斟觀博而竄言有日矣初邑中人聞  
有生來而二千石客之駢然來觀遷客裴御史  
遇生於坐抵掌曰人固有貌類而族殊者周生

疑羅玠也衆咸嘖然而熟視生疑也愈甚夫形  
似古所有也優孟似藹敖而楚君欲以爲相人  
殊而貌肖猶或欲用之玠生於衡山而生生於  
九疑其似誠匹也無乃躡其武外俊造仕旬服  
佐君藩爲御史乎古文人無避事即有而書之  
尚實也行李之貺則徵夫詩曰

當日營陽內史孫因家占得九疑村童心便有  
愛書癖手指今餘把筆痕自握虵珠辭白屋欲  
憑雞卜謁金門若逢廣坐問羊酪從此知名在

一言

送曹璩歸越中舊隱

余爲連州諸生以進士書刺者浩不可紀獨曹  
生崖然自稱爲山夫及與語以徵其實則日所  
嗜者名嘗遠遊以索之抗喉舌抵足拇以干東  
諸侯見之日率莞然曰秀才者天下是不禮庸  
何傷今方依名山以揚其聲將掛幘於南嶽生  
之言未及休余遽曰在己不在山若子之言依  
山而易高是練神叩寂捐日月而不顧名聞而  
老至持是焉用乎生聞言愀然如悔色見於眉  
睫因留止道士院從余求書以觀居三時而功

倍一歲讀史書自黃帝至吳魏間班班能言之  
然而絕口不敢言衡山知山夫不販而贏也十  
一月告余歸隱於會稽且曰知求名之自矣乞  
詞以發之遂賦七言詩以鑒其志詩曰

行盡瀟湘萬里餘少逢知己憶吾廬數間茅屋  
間臨水一盞秋燈夜讀書地遠何當隨計吏策  
成終自詣公車剡中若問連州事惟有千山畫  
不如

尋汪道士不遇

仙子東南秀冷然善馭風笙歌五雲裏天地一

壺中受錄金華洞焚香玉帝宮我來君閉戶應  
是向崆峒

八月十五日夜桃源翫月

塵中見月心亦閒況是清秋仙府閒凝光悠悠  
寒露墜此時立在最高山碧虛無雲風不起山  
上長松山下水羣動脩然一境中天高地平千  
萬里少君引我昇玉壇禮空遙請真仙官雲駢  
欲下星斗動天樂一聲肌骨寒金霞昕昕漸東  
上輪歌影促猶頻望絕景良時難再并他年此  
夕應惆悵

登其得外二  
叔父元和中攷昔事為桃源行後貶官武  
陵復為翫月作竝題於觀壁爾來星紀再  
周蕪牽復此郡仰見文字闕缺伏慮他年  
轉將塵沒故鐫在貞石以期不朽大和四  
年蕪謹記

罷和州遊建康

秋水清無力寒山暮多思官間不計程偏上南  
朝寺

田順郎歌

清歌不是世間音玉殿嘗聞稱主心唯有順郎

全學得一聲飛出九重深

米嘉榮

一別嘉榮三十載忽聞舊曲尚依然如今世俗  
輕前輩好染鬚鬚事少年

自江陵泐流道中

三千三百西江水自古如今要路津月夜歌謠  
有魚父風天氣色屬商人沙村好處多逢寺山  
葉紅時覺勝春行到南朝征戰地古來名將盡  
為神

別夔州官吏

三年楚國巴城守一去揚州楊子津青帳聯延  
喧驛步白頭俯偃到江濱巫山暮色常含雨峽  
水秋來不恐人唯有九歌詞數首里中留與賽  
蠻神

夜聞商人舡中箏

大舩高舡一百尺新聲促柱十三絃揚州市裏  
商人女來占西江明月天

聞道士彈思歸引

仙公一奏思歸引逐客初聞自泣然莫怪慙勤  
悲此曲越聲長苦已三年



喜康將軍見訪

謫居愁寂似幽棲  
百草當門茅舍低  
夜靜將軍忽相訪  
鷓鴣驚起遶籬啼

贈劉景擢第

湘中才子是劉郎  
望在長沙住桂陽  
昨日鴻都新上第  
第五陵年少讓清光

赴連山途次德宗山陵寄張員外

常時竝冕奉天顏  
委佩低簪綵仗間  
今日獨來張樂地  
萬重雲水望橋山

嘗茶

生採芳叢應鳥背  
牙老郎封寄謫  
仙家今宵更有  
湘江月照出霏霏  
滿盃花

梁國祠

梁國三郎威德尊  
女巫簫鼓走鄉村  
萬家長見空山上  
雨氣蒼蒼生廟門

九日登高

世路山河險君門  
煙霧深年年上高  
處未省不傷心

謝柳子厚寄疊石硯

常時同硯席寄此  
感離羣清越敲寒  
玉參差疊

碧雲煙嵐餘斐盪水墨兩氛氲好與陶貞白松  
牕寫紫文

元日感懷

振蟄春潛至湘南人未歸身加一日長心覺去  
年非燎火委虛燼兒童銜綵衣異鄉無舊識車  
馬到門稀

謝宣州崔相公賜馬

浮雲金絡腦昨日別朱輪銜草如懷戀嘶風尚  
意頻曾將比君子不是換佳人從此西歸路應  
容躡後塵

南中書來

君書問風俗此地接炎洲  
瑶祀多青鬼居人少  
白頭旅情偏在夜鄉思  
豈唯秋每羨朝宗水門  
前日夕流

題招隱寺

隱士遺塵在高僧精舍  
開地形臨渚斷江勢觸  
山迴楚野花多思南禽  
聲例哀慙勤最高頂間  
却望鄉來

思歸寄山中友人

蕭條對秋色相憶在雲泉  
木落病身健潮平歸

思懸涼鍾山頂寺  
瞑火渡頭舡  
此地非吾土  
間留又一年

望洞庭

湖光秋月兩相和  
潭面無風鏡未磨  
遙望洞庭山翠小  
白銀盤裏一青螺

魚復江中

扁舟盡室貧相逐  
白髮藏冠鑷更加  
遠水自澄終日綠  
晴林長落過春花  
客情浩蕩逢鄉語  
詩意留連重物華  
風檣好住貪程去  
斜日青帘背

酒家

歷陽書事七十韻 并序

長慶四年八月余自夔州轉歷陽浮涇江觀洞  
庭歷夏口涉潯陽而東友人崔敦詩罷丞相鎮  
宛陵緘書來抵曰必我覲而之藩不十日飲不  
置子故余自池州道宛陵如其素敦詩出祖于  
斲亭祠下由姑孰西度江乃吾州也至則考圖  
經參見事爲之詩俟采之夜諷者

一夕爲湖地千年列郡名霸王迷路處亞父所  
封城漢置東南尉梁分肘腋兵本吳風俗剽兼  
楚語音傖沸井今無湧烏江舊有名土臺遊柱

史石室隱彭鏗

老君適楚有臺存焉  
彭祖石室在含山縣

曹操祠猶在濡

須塢未平海潮隨月大江水應春生一昨深山

裏終朝看火耕魚書來北闕鷓首下南荆雲雨

巫山暗蕙蘭湘水清章華樹已失鄂渚草來迎

廬

逸三字

出湓城粉堞明鴈飛彭蠡暮鷓渚大

雷晴平野分風使恬和趁夜程貴池登陸峻春

穀渡橋鳴絡繹主人問悲歡故舊情幾年方一

面卜晝便三更助喜杯盤盛忘機笑語訇管清

疑警鶴絃巧似嬌鶯熾炭烘蹲獸華茵織鬪鯨

回裾飄霧雨急節墮瓊瑛斂黛疑愁色拾鈿耀

翠晶容華本南國。妝梳學西京。日落方收鼓。天  
寒更炙笙。促筵交履舄。痛飲倒簪纓。謔浪容優  
孟。嬌憐許智瓊。蔽明添翠奕。命燭柱金莖。坐久  
羅衣皺。杯頻粉面駢。興來從請曲。意墮即飛觥。  
令急重須改。歡馮醉盡呈。詰朝還選勝。來日又  
尋盟。道別慙勤惜。邀筵次第爭。唯聞嗟短景。不  
復有餘醒。衆散扃朱戶。相攜話素誠。晤言猶疊  
疊。殘漏自丁丁。出租千夫擁。行廚五熟烹。離亭  
臨野水。別思入哀箏。接境人情洽。方冬饌具精。  
中流爲界道。隔岸數飛甍。沙浦王渾鎮。滄州謝



傳瑩望夫人化石夢帝日環營半渡趨津吏緣  
堤簇郡忙場黃堆晚稻籬碧見冬菁里社爭來  
獻壺漿各自擎鷓夷傾底寫秬粃闕成文採石  
風傳柝新林暮擊鉦繭綸牽撥刺犀焰照澄泓  
露冕觀原野前駢抗旆旌分庭展賓主望闕拜  
恩榮比屋惇嫠輩連年水旱并退思常後已下  
令必先庾遠岫低屏列支流曲帶縈湖魚香勝  
肉官酒重於錫憶惜泉源變斯須地軸傾雞籠  
爲石顛龜眼入泥坑事繫人風重官從物論輕  
江春俄澹蕩樓月幾虧盈柳長千絲宛田塍一

線緝遊魚將婢從野雉見媒驚波淨攢鳧鳴洲  
香發杜衡一鍾菰葑米千里水葵羹受譴時方  
久分憂政未成比瓊雖碌碌於鐵尚錚錚早忝  
游三署曾聞奏六英無能甘負弩不慎在騎衛  
口語成中遣毛衣阻上征時聞關利鈍智亦有  
聳盲昔媿山東妙今慙海內兄後來登甲乙早  
已在蓬瀛心託秦明鏡才非楚白珩齒衰親藥  
物官薄傲公卿捧日皆元老宣風盡大彭好令  
朝集使結束赴新正

劉夢得外集卷第八

開化圖書

Wakuhwa Library

醫家傳外

開化圖書館

kaohua library

劉夢得外集卷第九

表述引傳碑

論西戎表

謝上連州刺史表

含輝洞述

吏隱亭述

傳信方述

彭陽唱和集引

唱和集後引

吳蜀集引

汝洛集引

子劉子自傳

王公神道碑

為淮南杜相公論西戎表

臣某言臣一辭闕庭已僅二載官當重任身受

厚恩旣懷子牟戀闕之心又負臧文竊位之責  
思所以歌頌聖德裨補箴規塵露至微不任懇  
迫臣遠祖詩顯名漢代出牧南陽謹言善策隨  
事獻納忠醇之至聞于中外遺風可襲有激愚  
衷臣是以輒竭聞見粗陳梗槩雖不盡陛下聖  
明萬分之一然臣子之心有直必獻伏惟皇帝  
陛下德合天地道躋文武弛張普博法則陰陽  
氣均生成人靈享育凡是氛沴覆以春和銷除  
容納皆如聖意寬宥肆赦實賴皇明河中誅鋤  
不勞兵革淮右底定不戮一人慶浹萬邦事出

千古近又西戎背約寇犯王師陛下弘貸豺狼  
矜其凶悍布以恩澤果此知慙功因德成不以  
兵制故詩云獫狁孔熾書稱蠻夷猾夏臣觀自  
古帝王不忍小忿貽大患故竭耗中國盡力邊  
陲至如滅昆明之城平大宛之種豈是發揮皇  
猷增榮簡冊故賢哲之論薄衛霍之功陛下鏡  
歷代無益之端修大君文德之教遂得北狄深  
藏五城晏閉百蠻嚮化四海無虞惟此小蕃尚  
迷聲教陛下示之大信弘以舊恩雖關防暫驚  
而烽燧旋罷臣負恩方鎮初懼寇戎正於憂迫

之時果聞仁聖之諭攘却凶孽不勞干戈臣靜  
思遠圖又計莫若存信施惠以愧其心歲通玉  
帛待以客禮昭宣聖德擇奉誼之臣恢拓皇威  
選謹邊之將積粟塞下坐甲關中以逸待勞以  
高御下重其金玉之贈結以舅甥之歡小來則  
慰安大至則嚴備明其斥候不撓不侵則戎狄  
爲可封之人沙場無戰死之骨若天下無事人  
安歲稔然後訓兵命將破虜摧衝原州營田靈  
武盡復舊地通使安西國家長筭悉在於此計  
熟事定舉必有功苟未可圖豈曰容易此皆陛



下朝夕倦談之事前後立驗之謀臣質性頑踈  
籌畫庸近受恩非據敢忘獻忠犬馬之心實所  
罄盡謹遣某官某奉表

謝上連州刺史表

臣某言伏奉去三月七日制授臣使持節連州  
刺史恭承眷旨跪奉詔書皇恩重於丘山聖澤  
深於雨露抃舞失次神魂再揚臣某中謝臣性愚  
拙謬學文詞幸遇休明累登科第出身入仕竝  
不因人德宗臨御之時臣忝御史陛下龍飛之  
日臣忝郎官恭守章程勤脩職業權臣奏用蓋

聞虛名實非曲求可以覆視跡卑易枉無路自  
明亦緣臣有微才所以嫉臣者衆競生口語廣  
肆加誣伏賴陛下至仁特從寬典舉以緣坐貶  
佐遐藩屢變星霜頻經恩赦犬馬懷戀寢興匪  
寧唯讀佛經願延聖壽昨蒙詔命追赴上都隨  
列授官俾居遠郡在臣之分榮幸已多伏荷陛  
下孝理弘深皇明照燭哀臣老母羸疾憫臣一  
身零丁特降洪恩得移善部光榮廣被母子再  
生凡在人臣皆感聖德凡爲人子皆荷聖慈豈  
惟賤臣獨受恩造不覺喜極至于涕零昔契王

俯念於前禽且聞解網漢帝有哀於少女爰命  
罷刑方之聖朝不足多尚感召和氣慰安羣生  
非臣隕越所能上報伏以南方厲疾多在夏中  
臣自發柳州便染瘴瘧扶策在道不敢停留即  
以今月十一日到州上訖謹宣聖旨以示遠人  
恭述詔條所期富庶無任

舍輝洞述

河南薛公景晦以文無害爲尚書刑部郎中以  
訕爲道州刺史居郡大理至於無事清機羨益  
盡付山水一旦以書來誇曰吾得異境于近郊

自城西門竝南山俯江水有石穹然如夏屋其  
左右前後又如回廊曲房藻繡雕彤之象雲生  
日入怪狀迭發水石卉木香非人寰意其嘗爲  
食霞御氣者之所遊息委蛻而去不知其幾千  
百年逮今得諸黃冠野夫及詣而信因名其地  
曰含輝洞蓋詩家流所謂山水含清輝者是已  
吾子常以詞業於世蓋爲我誌焉愚得書退而  
深惟若薛公者少居江湖間遊名山東探禹穴  
止四明句曲金華陽羨南過九江薄莊廬以涉  
彭蠡天下山水之籍存乎胷中第其高下銖兩

不失及是而口呿不能名顧爲竒信矣若江華  
者九疑三湘之佳麗地也前此二千石御史中  
執法河南元次山諫大夫北平陽亢宗司刑大  
夫東平呂和叔皆碩人也考盤招隱之致恒汲  
汲然卒使茲境貴于異日豈地愛其寶有時而  
發邪顧謂異信矣夫物之有作俟言而遠故述  
焉以書于洞陰曰營陽鬱鬱山水第一洞有含  
輝遊人忘歸忘歸孔樂請言其明先是斯境翳  
于榛薄天姿孤絕凡目所忽閱其清光有待而  
發公之來思探異翫竒芟野憇林而民悅之旣

悅其至益知所嗜捫徑歷峴來適公志偶得竒  
絕聿來告公駕言從之谷岸溟濛有石如門又  
如垣墉膠莠交才似綸似組乃芟乃治乃可布  
武伸脰掉臂空洞無阻左右回環儼若廊廡飛  
泉出竇練縑花吐觸石吹沙珮搖絃撫側逕寅  
緣豁然見天有石如堂度之五筵東西二門與  
日明昏奧者如室宣者如軒因其高下爰構亭  
榭匠生於心隨指如化開山剪木役以私屬結  
構暨茨子來嬉嬉無事而就邦人不知淑清之  
辰休澣之時雅步幅巾琴壺以隨前無俗人與

白雲期年日盡適形神不羈元氣顛然觀吾朶  
顛遵渚之鴻有時而飛石門之下可以棲遲此  
谷而盈彼丘而夷維公之踰跡永在斯

吏隱亭述

元和十五年再牧于連州作吏隱亭海陽湖壩  
入自外間不知藏山歷級東望况非人寰前有  
四榭隔水相鮮凝靄蒼蒼淙流布懸架險通蹊  
有梁如蜺輕泳徐轉有舟如翰登霞漾月若在  
天漢視彼廣輪千畝之半翠麗于是與世殊貫  
激明峭絕藪靡葱蒨炎景有宜昏旦迭變疑昔

神鼇負山而并摧其別島置此高岸海陽之名  
自元先生先生元結有銘其碣元維假符子維  
左遷其間相距十五餘年封境服人其猶比肩  
天下山水非無美好地偏人遠空樂魚鳥謝公  
開山涉月忘還豈曰無娛伊險且艱溪山尤物  
城池爲伍却倚佛寺左聯仙府勢拱臺殿光含  
霜廡窈如壺中別見天宇石堅不老水流不腐  
不知何人爲今爲古石焉終堅水焉終竭不知  
何時再融再結

傳信方述



余爲連州四年江華守河東薛景晦以所著古  
今集驗方十通爲贈其志在於拯物予故申之  
以書異日景晦復寄聲相謝且咨所以補前方  
之闕醫拯道貴廣庸可以學淺爲辭遂於篋中  
得已試者五十餘方用塞長者之問皆有所自  
故以傳信爲目云元和十三年六月八日中山  
劉禹錫述

彭陽唱和集引

丞相彭陽公始由貢士以文章爲羽翼怒飛于  
冥冥及貴爲元老以篇詠佐琴壺取適乎閒燕

鏘然如朱絃玉磬故名聞于世間鄙人少時亦  
嘗以詞藝梯而航之中途見險流落不試而曾  
中之氣伊鬱蜿蜒泄爲章句以遣愁沮悽然如  
焦桐孤竹亦名聞于世間雖窮達異趣而音英  
同或故相遇甚歡其合面必杼懷其離居必寄  
興重訓累贈體備今古好事者多傳布之今年  
公在并州余守吳門相去迴遠而音微如近且  
有書來抵曰三川守白君編錄與吾子贈荅緘  
縹囊以遺余白君爲詞以冠其前号曰劉白集  
悠悠思與所賦亦盈于巾箱盍次第之以塞三

川之誚於是緝綴凡百有餘篇以彭陽唱和集  
爲目勒成兩軸爾後繼賦附于左云大和七年  
二月五日中山劉禹錫述

唱和集後引

貞元中子爲御史彭陽公從事于太原以文章  
相往來有日矣無何子受譴南遷十餘年間公  
登用至宰相出爲衡州方獲會面輸寫蘊積相  
視泣然爾後或雜賦詩贈荅編成兩軸大和五  
年余領吳郡公鎮太原常發函寓書必有章句  
絡繹於數千里內無曠旬時八年公爲吏部尚

書子牧臨汝有詩歎七年之別署其後云集卷  
自此爲第三未幾子轉左馮公登左揆每恨近  
而不見形於詠言開成元年公鎮南梁子以太  
子賓客分司東都新韻繼至率六三軸成矣二  
年冬忽寄一章詞調淒切似有永訣之旨伸紙  
慨歎居數日果承訃書嗚呼聆風相悅者四十  
年會面交歡者十九年以詩見投凡七十九首  
勒成三卷以副平生之言

吳蜀集引

長慶四年余爲歷陽守今丞相趙郡李公特鎮

南徐州每賦詩飛函相示且命同作爾後出處  
乖遠亦如鄰封凡誦唱始於江南而終於劍外  
故以吳蜀爲目去

汝洛集引

大和八年子自姑蘇轉臨汝樂天罷三川守復  
以賓客分司東都未幾有詔領馮翊辭不拜職  
換太子少傅分務以遂其高時子代居左馮明  
年子罷郡以賓客入洛日以章句交歡因而編  
之命爲汝洛集

子劉子自傳

子劉子名禹錫字夢得其先漢景帝賈夫人子  
勝封中山王謚曰靖子孫因爲中山人也七代  
祖亮事北朝爲冀州刺史散騎常侍遇遷都洛  
陽爲北部都昌里人世爲儒而仕墳墓在洛陽  
北山其後地狹不可依乃葬滎陽之檀山原由  
大王父已還一昭一穆如平生曾祖凱官至博  
州刺史祖鏗由洛陽主簿察視行馬外事歲滿  
轉殿中丞侍御史贈尚書祠部郎中父諱緒亦  
以儒學天寶末應進士遂及大亂舉族東遷以  
違患難因爲東諸侯所用後爲淮西從事本府

就加鹽鐵副使遂轉殿中主務于埇橋其後罷  
歸浙右至揚州遇疾不諱小子承風訓稟遺教  
眇然一身奉尊夫人不敢殞滅後忝登朝或領  
郡蒙恩澤先府君累贈至吏部尚書先太君盧  
氏由彭城縣太君贈至范陽郡太夫人初禹錫  
旣冠舉進士一幸而中試間歲又以文登吏部  
取士科授太子校書官司間廣得以請告奉温  
清是時年少名浮於實士林榮之及丁先尚書  
憂迫禮不死因成痼疾旣免喪相國揚州節度  
使杜公領徐泗素相知遂請爲掌書記捧檄入

告太夫人曰吾不樂江淮間汝宜謀之於始因  
白丞相以請曰諾居數月而罷徐泗而河洛猶  
艱難遂改爲揚掌書記涉二年而道無虞前約  
乃行調補京兆渭南主簿明年冬擢爲監察御  
史貞元二十一年春德宗新棄天下東宮即位  
時有寒俊王叔文以善弈碁得通籍待詔因閒  
隙得言及時事上大竒之如是者積久衆未之  
知至是起蘇州掾超拜起居舍人充翰林學士  
遂陰薦丞相杜公爲度支鹽鐵等使翊日叔文  
以本官及內職兼充副使未幾特遷戶部侍郎



賜紫貴振一時愚前已爲杜丞相奏署崇陵使  
判官居月餘日至是改屯田員外郎判度支鹽  
鐵等案初叔文北海人自言猛之後有遠祖風  
惟東平呂溫隴西李景儉河東柳宗元以爲信  
然三子者皆與余厚善日夕過言其能叔文實  
工言治道能以口辨移人旣得用自春至秋其  
所施爲人不以爲當非時上素被疾至是尤劇  
詔下內禪自爲太上皇後謚曰順宗東宮即皇  
帝位是時太上火寢疾宰臣及用事者都不得  
召對宮掖事秘而建桓立順功歸貴臣於是叔

文首貶渝州後命終死宰相貶崖州余出爲連  
州途至荆南又貶朗州司馬居九年詔徵復授  
連州自連歷夔和二郡又除主客郎中分司東  
都明年追入充集賢殿學士轉蘇州刺史賜金  
紫移汝州兼御史中丞又遷同州充本州防禦  
長春宮使後被足疾改太子賓客分司東都又  
改祕書監分司一年加檢校禮部尚書兼太子  
賓客行年七十有一身病之日自爲銘曰  
不夭不賤天之祺兮重屯累厄數之竒兮天與  
所長不使施兮人或加訕心無疵兮寢於此牖

盡所期兮葬近大墓如生時兮魂無不之庸詎  
知兮

唐故監察御史贈尚書右僕射王公碑

公諱倭字真長其先乘黃帝夫大聖之後與庶  
姓不同如河出崑崙潛於厚地歛焉振起奮為  
洪瀾環自天非衆川也故自黃帝八代而生舜  
武王克桀求有媯之胤滿封於陳是為胡公十  
三葉生完自以公子國難不得立乃抱樂器奔  
齊桓公以卿禮接之下又十一葉和以父為政  
陰浹于人遂有齊國三代稱王至建為秦所滅

項羽入秦封建孫安為濟北王漢興失國齊人  
謂之王家因以為氏安子洧仕漢為鎮東將軍  
青州牧封劇縣伯自洧至彤凡一十九代兩漢  
公卿牧守如家謀然十代祖猛字景略符秦尚  
書令佐秦成霸業與孔明佐蜀同功故時人為  
之王葛史云北海劇人遂著為族望九代祖休  
儀曹尚書八代祖鎮惡佐命宋武長安擒姚泓  
至北齊五代祖昕七兵尚書兄弟九人時号王  
氏九龍於齊史有傳高祖顓字君粹北齊著作  
郎燕郡太守曾祖敬忠成州刺史大父上容高

宗封嶽進士及第歷侍御史主客兵部員外郎  
累遷兵右金吾衛將軍冀州刺史靈州都督朔  
方道總管見職官儀及衣字逸二烈考暉宣州宣  
城縣令贈工部郎中娶河東裴氏乃生僕射孝  
睦餘力工爲文始以崇文生應深謀祕策考入  
上第拜監察御史天之賦子莫能兩大旣敷令  
名而不以景福享齡五十五葬于河南府偃師  
縣亳邑鄉後以子貴累贈禮部尚書至右僕射  
夫人江夏李氏祔焉李門多竒才父暄起居舍  
人暄子鄜門下侍郎平章事高叔祖善蘭臺郎

崇文館學士注文選行於時善子邕北海郡太守有重名四方之士求爲碑誌者傾天下故夫人於盛宗禮範可法累贈至江夏郡夫人僕射有三子長子早終次子處玄少嬰沈恙慕道士養生之術高尚其趣強仕而沒積善不試後來果大焉季子彥威字子美始以五經登甲科歷太常博士祠部員外郎遷屯田郎中轉戶部司封竝充禮儀使判官弘文館學士京兆少尹諫議大夫史館脩撰以直諫出爲河南少尹入爲少府監司農卿改淄青節度使徵拜戶部侍郎

判度支勢逼生患出爲衛尉卿分司東都尋起  
爲陳許節度使檢校禮部尚書充汴宋亳等州  
節度觀察處置等使北海縣開國子食邑五百  
戶娶穎川韓氏主客員外郎衢之女國子祭酒  
楊頊珥之外孫夫人有三弟皆材無子早謝已  
如禮祔葬于亳邑原僕射厚德覆露之尚書丕  
承之以蚤孤銳意嚮學嘗閱詩至蓼莪篇感激  
流涕故其志如刃始淬及學成立朝爲鴻儒入  
用爲能臣參定儀制財成經費起書生擁旌節  
今又領全師鎮上游握神符垂三組皆嚮時感

發之所激也志就而學成名聞而身達欲報無  
所外榮中悲人子之孝在乎揚其先德以耀于  
遠乃俾學古者書本系所自且銘于龜趺踣首  
云銘曰

山積而高澤積而長聖人之後必大而昌由聖  
與賢或爲霸強建不克嗣濟北疏疆齊人德之  
其族稱王佐于符秦北海重光僕射之生負材  
而起策千萬乘擢爲御史同時條對千目仰視  
桂林一枝拾芥相似名動海內夫豈不偉種德  
而牙迺生令子出入鼎貴理財統師流根之澤



密印纍纍峻其追崇幽顯有輝孝嗣之志歎然  
弗怡春露秋霜感傷履之時久能慕祿豐益悲  
明發不寐永懷孝思攄之無窮曷若豐碑景毫  
之原佳城在斯乃金石刻揭于道陞松邪栢邪  
有洛之湄過者必下來觀信詞

劉夢得外集卷第九

開化圖書館

Wakuhwa Library

劉夢得外集卷第十

墓誌祭文

故董府君墓誌

絕編生墓表

祭柳貞外文

重祭柳貞外文

代祭柳貞外文

祭韓吏部文

祭李司空文

代祭李司空文

代祭王相國文

祭桂尚書文

祭楊庶子文

故荆南節度推官董府君墓誌

元和七年夏四月某日前荆州部從事董府君

以疾終于故府私第年若干其孤泣書前人之  
爵里耿光求我以銘于幽且先志也故重爲之  
董姓出於豢龍氏至辛有而分在晉爲良史在  
趙佐簡子爲能臣項羽主盟爲翟王高皇帝舉  
兵漢中劫其兵衆不克其土後裔遂爲隴西人  
凡稱事不稱名不待事而彰也始予謫于武陵  
人多言之賢有董生爲守令客旣而以士相見  
之禮成與之言能言墳典數旁摺百氏之學弱  
年嗜屬詩工弈碁用是索合于貴游多所慰薦  
中年奉浮圖說三乘用是貢誠于清賢乃被辟

書脫巾爲弘文館校書郎再選至大理評事咸  
視真秩而不纍其章職繫于外故也晚節尚道  
故投劾於幕府治扁舟浮江施泛洞庭登熊耳  
訪浮丘以探異賦枉渚以竒傲居數歲投老于  
南荆迷邦縱性委和從化逮夫寢巨室也自舍  
襁至于卜窆皆仁人之賻焉是歲五月十二日  
卜葬于龍山之某岡外姻至矣君名佺字庶中  
大父曰思簡位至汝南太守父承祖歿于試守  
太子舍人始爲君求婦于鄭之族生嗣子夏卿  
旣立而夭今未之從其後又娶于閻氏生二子

曰周卿雲卿嫠也總裳睡首有正家之道嗚呼  
道愈富而室愈貧志甚脩而知甚寡士以隴西  
爲貴將在令名歟銘曰

學待問而文藻身藝不試兮名孰聞大道甚夷  
兮非我辰何生不茂兮非我春脩門之達兮連  
岡旃旃蔓草如徒兮新墳若斧于嗟董生兮於  
焉終古

絕編生墓表

顧彖吳郡人食力於武陵沅水上以讀易聞病  
且死飭其子曰吾年十有五而授易于師積六

十三年于茲未嘗一日不吟乎繫象里中兒從  
吾讀其文多矣死則必葬我于黨庠之側尚其  
有知且聞吾書君子曰若豸者可謂志篤于學  
矣因以絕編生謚之且表其墓後之讀功令者  
或采焉予旣謫居是邦始至之日問能道古語  
可與言者邑子以生爲對旣而執贄請見之生  
危冠大袂闊視雅拜及門知讓俟肅而后入又  
肅而躋階心存聖言潤徹眉睫有野態而無苟  
容問其所執曰幼學易老而尤嗜問安學曰始  
聞於師晚熟于心自尼父兼三才絀八索繫詞

焉以通微言與伏犧文王竝行猶夫三辰同麗  
太極秦脫火患完文顯行漢之田丁京劉而東  
京有馬鄭魏之何荀兩王而吳有韋陸前者導  
源後者濬之風融混合百派犇奏唐興沙門一  
行方洩天幾以探古人神友造物智斟人事制  
動也有柅變道也無方羣之支流委輸于我其  
他紬繹祖述三十有餘家朱藍之撲斲之爲羽  
翼爲鼓吹疇咨天人之際磅礴上下駑精於糴  
撫匱巧於穿鑿猶制氏之於樂鏗鏘而已徐氏  
之於禮善容而已然而前脩之盡心也得以采



腴塞芳焉手肱於運管目曦於臨燭而氣耗於  
咏呻家居無訾不能與計偕地偏且遠無有能  
晤語者心愈苦而跡愈卑寒膚慙腹以至於羸  
老微夫子之問持是安施乎他日子造其室廬  
瓢簞在左汗簡在右有龜枵然有筴甚澤余搢  
著指骨而評之曰是齷齷者曾不予欺乎生攸  
爾而對云占先聖人知道之妙不可徒而得也  
故設象以致意梯有以取無取當其粗用當其  
精夫權衡所以揣輕重不爲捶鈞者設也尋尺  
所以商遠邇不爲運斤者設也龜筴所以決羣

疑不為知幾者設也幾存乎人是則以天時為  
卦體以理為文位外附人事以象焉內取諸身

以彖焉

一本云內取諸身以象  
焉內取諸身以彖焉

得樞於橐中迎數於

象外自然之理不知其然雖欲強名措說無地  
彼枯莖朽殼安能與於此乎今夫揲之以至刑  
灼之以殆盡徒與夫蚩蚩者問歉穰占能虺起  
訟需食亡羊喪牛之間耳資其握粟以餬予口  
烏足為夫子道哉余以斯言遽於易故書之噫  
國有太學學有館以延顓門若生者苦形役志  
如是其顓也茹經于腹湮滅糞壤辟水湯湯不

聞其聲摧藏僕慙與山水同朽豈地遠然邪彼  
文甲絳毛剽筋壽華嶺嶠之華實炎溟之蜃蝦  
飛苞驛筐所至而貴夫豈邇也哉悅者衆故也  
生之死在元和七年秋七月由死之日推而上  
求直始生之辰得四百有七十甲子葬在枉渚  
西石磯上其墳可隱東望里塾尚行其志云

祭柳貞外文

維元和十五年歲次庚子正月戊戌朔日孤子  
劉禹錫銜哀扶力謹遣所使黃孟萇具清酌庶  
羞之奠敬祭于亡友柳君之靈嗚呼子厚我有

一言君其聞否惟君平昔聰明絕人今雖化去  
夫豈無物意君所死乃形質爾魂氣何託聽余  
哀詞嗚呼痛哉嗟余不天甫遭閔凶未離所部  
三使來弔憂我衰病諭以苦言情深禮至款密  
重複期以中路更申願言途次衡陽去有柳使  
謂復前約忽承訃書驚號大叫如得狂病良久  
問故百哀攻中涕洟迸落魂魄震越伸紙窮竟  
得君遺書絕絃之音悽愴徹骨初託遺嗣知其  
不孤末言歸輅從祔先域凡此數事職在吾徒  
永言素交索居多遠鄂渚差近表臣分深想其

聞訃必勇於義已命所使持書徑行友道尚終  
當必加厚退之承命改牧宜陽亦馳一函候於  
便道勒石垂後屬于伊人安平宣英會有還使  
悉已如禮形於具書嗚呼子厚此是何事朋友  
彫落從古所悲不圖此言乃為君發自君失意  
沈伏遠郡近遇國士方伸眉頭亦見道草恭辭  
舊府志氣相感必踰常倫顧余負豐營奉方重  
猶冀前路望君銘旌古之達人朋友則服今有  
所厭其禮莫申朝晡臨後出就別次南望桂水  
哭我故人孰云宿草此慟何極嗚呼子厚卿真

死矣終我此生無相見矣何人不達使君終否  
何人不老使君夭死皇天后土胡寧忍此知悲  
無益奈恨無已余之不聞余心不理含酸執筆  
輒復中止誓使周六同於己子魂兮來思知我  
深旨嗚呼哀哉尚饗

重祭柳貞外文

嗚呼自君之沒行已八月每一念至忽忽猶疑  
今以喪來使我臨哭安知世上真有此事既不  
可贖翻哀獨生嗚呼出人之才竟無施焉炯炯  
之氣戢于一木形與人等今既如斯識與人殊

今復何託生有高名沒爲衆悲異服同志異音  
同歎唯我之哭非弔非傷來與君言不成言哭  
千哀萬恨寄以一聲唯識真者乃相知爾庶幾  
儻聞君儻聞乎嗚呼痛哉君有遺美其事多梗  
桂林舊府感激主持俾君內弟得以義勝平昔  
所念今則無違旅魂克歸崔生實主幼穉在側  
故人撫之敦詩退之各展其分安平來贈禮成  
而歸其他赴告咸復于素一以誠告君謹聞乎  
嗚呼痛哉君爲已矣余爲苟生何以言別長號  
數聲冀乎異日展我哀誠嗚呼痛哉尚饗

劉夢得外十  
一  
爲鄂州李大夫祭柳負外文

嗚呼至人以在生爲傳舍以軒冕爲儻來達於  
理者未嘗惑此昔余與君諭之詳熟孔氏四科  
罕能相備惟公特立秀出幾於全器才之何豐  
運之何否大川未濟乃失巨艦長途始半而喪  
良驥搢紳之倫孰不墮淚昔者與君交臂相得  
一言一笑未始有極馳聲日下騫名天衢射策  
差池高科齊驅攜手書殿分曹藍曲心志諧同  
追歡相續或秋月銜觴或春日馳轂旬服載暮  
同外憲府察視之列斯焉接武君遷外郎子侍



內闈出處雖間音塵不虧勢變時移遭罹多故  
中復賜環上京良遇曾不踰月君又即路遠持  
郡符柳江之墟居陋行道疲人歌焉子來夏口  
忽復三年離索則久音貺屢傳篋盈草隸架滿  
文篇鍾索繼美班揚差肩賈誼賦鵬屈原問天  
自古有死奚論後先痛君未老美志莫宣遭回  
世路奄忽下泉嗚呼哀哉令妻早謝穉子四歲  
天喪斯文而君永逝翩翩丹旄來自遐裔聞君  
旅櫬旣及岳陽寢門一慟貫裂衷腸執紼禮乖  
出疆路阻故人奠觴莫克親舉馳神假夢冀獲

晤語平生密懷願君遣吐遺孤之才與不才敢  
同己子之相許嗚呼哀哉尚饗

祭韓吏部文

高山無窮太華削成人文無窮夫子挺生典訓  
爲徒百家抗行當時勅者皆出其下古人中求  
爲敵蓋寡在貞元中帝鼓薰琴弈弈金馬文章  
如林君自幽谷升于高岑鸞鳳一鳴蜩螗革音  
手持文柄高視寰海權衡低昂瞻我所在三十  
餘年聲名塞天公鼎侯碑志隧表阡一字之價  
輦金如山權豪來侮人虎我鼠然諾洞開人金

我灰親親尚舊宜其壽考天人之學可與論道  
二者不至至者其誰豈天與人好惡背馳昔遇  
夫子聰明勇奮常操利刃開我混沌子長在筆  
子長在論持矛舉楯卒不能困時惟子厚竄言  
其間贊詞愉愉固非顏顏磅礴上下羲農以還  
會於有極服之言逸數句岐山威鳳不復鳴華亭  
別鶴中夜驚畏簡書兮拘印綬思臨慟兮志莫  
就生芻一束酒一杯故人故人歆此來

祭興元李司空文

維大和四年月日禮部郎中集賢殿直學士劉

禹錫謹以清酌之奠敬祭于故相國山南西道  
節度使贈司空李公之靈嗚呼龜靈而刳龍知  
而屠古今同之天不可問公之挺生德與位并  
如瞻日月豈贊其明何以致之姑話平生追懷  
周旋彌四十年射策校文接武聯翩旬服同邑  
明庭比肩公乘廷颯凌厲非煙愚觸駭機迸落  
深泉一持化權一謫海壖本同末異如矢別弦  
雲龍井蛙勢不相見二紀迴泊一朝會面公爲  
故相愚似悲翁契闊相遇淒涼萬重復以郎吏  
交歡上公披襟道舊劇談命酒清洛泛舟鑿龍

攜手公入西關愚亦徵還削去苛禮招邀清間  
廣陌聯鑣高臺看山尋春適野醉舞花間忽復  
登壇總戎于外子午危棧巴梁古岸夷風僮儻  
穢俗悍害陰謀密構凶黨千輩如嗾羣犬以逼  
騶虞如縱炎火以焚瑾瑜時邪命邪不慮不圖  
物理神道安知有無嗚呼痛哉玄天甚高上訴  
何時長夜無曉斯焉永歸風淒日昏鼓咽簫悲  
沈埋玉樹誰不霑衣平生故人零落已稀委化  
而盡然猶怨咨如何國禎有此遭罹挺災賦命  
孰主張之有肴在筵有酒盈卮神其來歆已矣

長辭尚饗

代裴相祭李司空文

四年月日特進守司空兼門下侍郎平章事裴  
度謹以清酌少牢之奠敬祭于故相國魏郡公  
之靈嗚呼玉貞而折不能瓦合鸞鍛而萎不同  
雞羣生兮若浮守道不屈惟公之生福自維嵩  
金石高韻珪璋德容元和之初左右憲宗以才  
視草以望登庸振起直聲激揚清風實有正氣  
號爲名公名成身退猶係人望入爲羽儀出領  
藩方旣師百辟又副丞相道冠搢紳事參翼亮

度與公遊四十餘年風期合契祿位相先度忝  
司言公持化權應同宮徵馥若蘭筌猥以姓名  
稱于上前發迹從微芬芳獲宣度爲免相待罪  
梁山公拜右揆來從東川極其歡娛著在詩篇  
度忝三入公亦東還里門相邇賓閣常間退朝  
休澣道舊開顏嗟乎山川間之忽在旦夕豈意  
倉卒遂成今昔衣冠喪氣風物含戚強魂訴天  
冤血成碧嗚呼哀哉度在病中訃書始至無力  
以哭不言垂淚今聞袂輶首路而歸隱几臨風  
其心孔悲嘉肴百籩旨酒一卮寄此神素神其

來思嗚呼哀哉

代諸郎中祭王相國文

維大和四年月日某官等敬祭于故相國贈太尉太原王公之靈嗚呼天以和氣鍾於貴人舍光不曜煦物如春發自貢士驟為庭臣鴻鴈聯行共凌青雲既操利權兼秉國鈞食祿甚厚奉身如貧井絡之隅益部為大斗牛之下揚州繁會受社臨戎油幢曲蓋印綬重疊恩華霽霈簿領如山處之若間摧筦之權往而復還炎炎暉暉出入二紀未曾傷物屢有薦士急難友弟謹



厚訓子顏閒熙熙不形愠喜處已無咎得君如  
此若木方高音颯歛起三台之氣變見在時五  
福之來盛衰有期晚下黃閣車騎威遲夕歸華  
堂言笑嘻怡詰朝愀然有恙求醫未撤琴瑟俄  
懸素旂宸衷震悼朝右悽悲詔下褒崇恩殊等  
夷靈輜旣駕真宅將歸笳簫咽而復揚風日慘  
而無輝玄亮等或早挹清塵或晚承泛愛昔脩  
禮于門閫今纏悲于祖載幽顯雖異音徽未昧  
神之格思歆此誠酌尚饗

祭福建桂尚書文

維大和六年月日蘇州刺史劉禹錫謹以清酌  
之奠敬祭于故福建團練使桂公之靈鷗化鵬  
征擘波冲天士逢其時捨笈乘軒始識尚書貞  
元季年詣我南省袖文一編便坐接語其容温  
然星歲未幾鄙夫南遷滯留江湘魚鳥周旋尚  
書遇知變化如蟬秉憲朝右剖符江壩交趾化  
行容州績宣凡曰循吏莫居我先大和之初再  
遂良覲分務東洛門里同陌余復郎位公爲賓  
客蔚然貴臣綬紫鬚白俄俱西還列于清班來  
訪書殿登樓看山見領八屯循街九關賀遷閩

越紅旆雙舸克有淑聲搢紳之間惇嫠鼓舞強  
捍低跽延平古津峭壁孱顏豈意龍劍沉晶不  
還復魄侯堂歸舟建浦雙表何在虎丘之下恭  
承嘉命來牧吾土言念昔遊忽成千古哀哀孝  
嗣率禮無違言奉几席歸乎洛師敬陳奠筵泣  
對靈帷平生不忘歆此一卮嗚呼哀哉

祭虢州楊庶子文

維大和六年月日蘇州刺史劉禹錫謹遣軍吏  
某乙具少牢清酌之奠敬祭于故虢州楊公之  
靈嗚呼利劍多缺真玉喜折俊人不壽爲氣所

齧子之少孤率性自然早有名字結交世賢席  
勢馳聲龍秋鳥企試文再售毛翮愈鮮歷佐侯  
藩拾遺君前伏閣論事侵削內權克揚直聲不  
愠左遷一斥干外君門邈焉五剖竹符皆有聲  
績南浦潛化巴人啞啞比陽布和戰地盡闢壽  
春武斷姦吏奪魄榮波砥平士庶同適朝典陟  
明俾臨本州錫以貴綬腰金晝遊輿疾而來風  
煙爲愁靜治三載卧分主憂直氣潛銷頽景不  
留九天難問萬化同休嗚呼惜哉與君交歡已  
過三紀維私之愛與衆無比乃命長嗣爲君半

子誰無外姻君實知己昔與君遊俱爲壯年怒  
人言命笑人言天閱事未多信書太堅方階尺  
木已墜九泉誦年易深潛病難痊不見南楚方  
知北軒嗚呼嗟哉見機不早追悔已晚猶希耆  
老容或宣展以間相期以晦相勉一丘可樂萬  
累皆遣圖就散秩婆娑京輦天命不長願言莫  
展嗚呼痛哉君卧弘農余來姑蘇飛書要約言  
念鼎湖我車載脂爲子疾驅入境聞寂唯逢素  
書發函驚視翰不自濡相去一舍豈無有輿君  
爲病嬰我爲吏拘兩不如意嗟哉命夫君今往

矣無復可道我今泛然一委玄造平生親友零  
落太早無望拔茅盡悲宿草到郡浹辰君不起  
聞寢門一慟其哀如焚彭彭輶車來葬洛濱  
脩賻禮泣送行人方丈之羞薦君明魂三赤之  
板寫予哀文淒涼山河慘淡風雲已矣長別嗟  
哉楊君

劉夢得外集卷第十

宋集唐集惟書棚本偶一見之若卷第稍繁即  
風行如李杜韓柳已如星鳳遑論其他光緒丙  
午奉牒游日本道出西京因閱訪古志慕宗蘭  
館藏書之富訪之於北野別業主人福井翁漢  
醫也清芬世紹抱獨樂天出示宋元及古刻且  
言凡經森氏傳錄者慘罹秦厄此皆劫餘所續  
得者也縑帙井然如登宛委內宋大字本劉夢  
得集每半葉十行行十八字中縫有刻二姓名  
書體道麗純仿開成石經紙墨並妙竊謂此書  
與東京尚書寮之太平寰宇紀宋景文王文公

想誠齋等集及吾國京師苗書館之殘文苑英  
華昭文瞿氏之白氏文集官府之徐公文集

此書

後世余今  
入大倉

可稱海內奇本歸國恒與朋輩誦述

之昨年避囂東航僑居異地復遇宗蘭館翁猶  
強健聲聞所藏始知是集首尾完善並附外集  
尤所心醉適小林忠治業珂羅製版藝精為全  
國冠業為羅君林言影印宋拓碑誌濃澹豐纖  
猶形鑑影乃介內藤炳如博士假歸屬小林氏  
用佳紙精製百部昔士禮居僅藏是書殘宋刻  
四卷

四卷

半葉十二行廿一字今  
昭文瞿氏鐵琴銅劍橋

題跋均以鈔本



不且據為憾深冀得一宋刻之全者以正其誤  
沒菱翁生於今世其快愉更當如何嗚際此流  
離轉徙幸於結癖投擲鉅貲以印此書殊不自  
量然獲此百部行世不啻貽傳百部真本舉凡  
舊鈔的刻訛謬相從蕪林嚮奉為珍秘者可槩  
供覆瓿於中山是編功匪鮮淺後之覽者當亦  
愜余今日之苦衷也癸丑夏日昆陵董原識於  
東山寄廬

山口  
藤田綠子錄

開化圖書館

Wahua Library

卷之...

二

平安福井氏宗蘭館以多藏宋元古書聞於海  
內安政中罹災故物蕩然迄其後嗣克紹先志  
兩世蒐購收儲之富不減曩日中有宋槧劉夢  
得集卅卷外集十卷蓋為東山建仁寺舊藏相  
傳千光國師入宋時所齎歸近年寺主僧天章  
以方外之身勤勞王事兼能詞翰名著士林明  
治初退居西庵妙光寺因帶此書而去既為兜  
奴所殪藏書散佚此書遂歸宗蘭館每半葉界  
長八寸六分廣六寸四分十行二十八字二大  
欄豁疎朗悅目按陳振孫書錄解題稱劉賓客

集原本卅卷宋初佚其十卷宋次道裒其遺詩  
四百七篇雜文廿二首為外集卷數篇目與此  
本昭合今通行本雜文廿卷詩十卷出於明刻  
卷第既已不同所錄詩文並有佚奪又表牋各  
篇有通行本存年月而此本失錄此本有年月  
而通行本刊落者其餘異文多不勝舉且此本  
先文後筆仍是六朝以來集部體制若通行本  
先文後詩經明刻恣改可外集十卷天禧琳琅  
前編錄汲古閣影抄宋本後編又錄元刻本並  
稱希見此本則云外兩集完好無缺宋氏所裒

直齋所錄忽獲目睹於數百載後可稱藝林奇  
寶已清國董授經京師雅善鑒藏又喜刻書頃  
避地東渡僑寓平安既盡閱崇蘭之藏津愛此  
書借覽不足竟謀景刻乃用玻璃版法精印百  
部以貽於世雖紙幅稍蹙原本而精采煥然不  
爽豪髮自茲東瀛秘笈復廣流傳中山精華頓  
還舊觀是則授經之有功此集不在次道下矣  
大正二年八月內藤虎

開化圖書館

Wahwa Library

卷之二

四

開化圖書館

Wathwa library



開化圖書館

Kaishua library






開化圖書館

Kaichua Library

開化圖書館

Kaishwa Library




劉夢得文集

開化圖書館  
Kashima library

開化圖書

Kaichua Library



**TIFFEN** Color Control Patches

© The Tiffen Company, 2007

Blue Cyan Green Yellow Red Magenta White 3/Color